

琉球國志略卷六

翰林院侍講臣周煌恭輯

府署

王府

世子府附

使館

學校

古稱島夷卉服則穴居土處可知按隋書稱國王所居曰波羅檀洞塹棚三重環以流水樹棘為藩蓋其時棟宇之制未備而亦寢異乎巢窟之舊矣今則閤閤輪奐階阼軒崇大改前模至于安奉詔敕供頓使臣公所則多做中國矩度縱未足云壯麗亦既燥濕不虞無憂從者不直此也方當

琉球國志略

府署

卷六

吳舒惟校

聖朝重熙累洽百有餘年舉萬類而甄陶之凡在域外波臣咸知向學文教浸興則又且俎豆尼山置師儒弟子膠鬲之設無異華風前此未有也志府署王府

王城在首里田萬松嶺東上數里許衢道修廣有坊榜曰中山道南有安國寺對街為世子第中路砌石為大墩內植鳳蕉一叢更進又一坊榜曰守禮之邦注錄云萬曆初封王尚承制詞有足稱守禮之邦故以為額道左有天界寺寺西南為王瑩對街為大美殿更進為歡會



門卽王府城也高踞山巔礪石砌成削磨如壁蒼  
黝磊厯遠望如聚髑髏故隋書因其形似誤謂王  
所居多聚髑髏其下耳城外石崖上左刻龍岡右  
刻虎峯城四面門各一前西向卽歡會門後東向  
爲繼世門汪錄世子嗣位由此門入左南向爲水門右北向爲  
久慶門進歡會上崖有門西北向榜曰瑞泉門左有碑  
前使徐葆光鐫左右甬道有左掖右掖二門通入  
中山第一四字王宮更進有樓西向榜曰刻漏上設銅壺漏水更進有門  
西北向爲廣福門卽王府門也城周廻三四里有  
馬道無雉堞

琉球國志略

府署  
卷六

二  
吳舒惟校

王殿在山頂康熙元年燬五十一年重建

前使臣張學禮

時殿尙未建預題曰東南屏藩受封在世子殿

前爲奉神門左右三門並

峙在廣福門內與殿皆西向山形本南北向以中國在海西表忠順面內之意故也殿九間左右夾室一殿前月臺建穹亭覆之中階七級石欄周護雕刻花鳥頗工整殿上有樓爲

御書樓極高敞壯麗鉅梯當檻立正中懸奉

聖祖仁皇帝御書中山世土匾額左奉



世宗憲皇帝御書輯瑞球陽匾額右奉

皇上御書永祚瀛壖匾額臣等於開讀日拜瞻

宸翰天章炳煥日月光華誠海邦世寶也下為王聽政位

中壁懸上古伏羲畫卦像龍馬負圖立其前汪錄作孔

子絹色蒼古微有剝蝕非近代物前使臣海寶題中山王府詩中

皇綸來山祖德見詒謀世續圖成貢典修三錫漢使萬年臣節戴宗周星碁花嶼環芳甸莖管烟

前使臣徐葆光拜瞻村帶畫樓敷命采風皆我職史編為紀海東頭

御書華匾恭紀二章錫祚煌煌語有神併幪五世

命三申垂封已許天同久拜賜時贈墨尚新玉札半綸為誓券滄波一渡作通津桑田可變

琉球國志略

府署

三 吳舒帷校

恩常在不怕重揚東海塵龍章卅載責山隈拜舞樓頭五色開始信天文垂象遠直

從海角觀光來河山舊誓留千葉鸞鳳餘輝照八珍真箇乘槎到雲漢舉頭咫尺見昭回殿庭

方廣數十畝分砌三道方磚鋪之左廂北向為南

樓窻盡垂簾樓隅隙地畝許蟠松與鳳蕉錯植奇

石間前使汪楫題曰聽濤右廂南向為北宮匾曰

忠順可嘉亦用制詞中語凡宴天使皆於此以其地面南

故殿屋皆固樸多柱礎一間至用二十餘柱屋梁

舉手可接以處山岡且防海颶

世子府第在安國寺南別有世子殿在中城徐錄云國



王時  
往遊

### 天使新館

館在那霸去迎恩亭里許面南一做中朝官解制  
 度前築照牆東西轅門外柵四周柵內東西門房  
 各四楹以居國之執事人員左右鼓角亭各一旗  
 竿二上施冊封黃旗各一大門署曰天使館門內  
 東西班房各六楹以處書吏隸役儀門署曰天澤  
 門前明冊使夏子陽題年久失去前使徐葆光隸  
 書補題門內甬道至月臺前徐葆光種榕樹左右  
 各兩株庭中廣可數畝陪臣行禮於此正中為大  
 堂前楹前使張學禮王垓隸書天威遠播匾屏門  
 上前使汪楫林麟焜題敷命堂匾汪楫又聯于門  
 曰

### 琉球國志略

使館  
卷六

四  
吳舒帷校

帝德著懷柔正朔萬年頌上國臣心表忠信南風三日到  
 中山中楹前使海寶徐葆光題

### 皇綸三錫匾

臣

魁題其左曰露灑扶桑左右楹間徐葆光

復書二榜一載前明冊使姓名

洪武五年詔中山王察度使行人楊

載 永樂二年封武寧使行人時中 五年封恩  
 紹不遣使 洪熙元年封尚巴志使中官柴山



正統十年封尚忠使給事中俞卞行人劉遜  
 三年封尚思達使給事中陳傳行人萬祥  
 二年封尚金福使給事中喬毅一作陳謨行人童  
 子宏六年封尚泰久使給事中嚴誠一作李秉  
 彞行人劉儉天順六年封尚德使吏科給事中  
 潘榮福建龍溪行人蔡哲成化六年封尚  
 使兵科給事中官榮行人韓文尚宣威未請封  
 司副張祥嘉靖七年封尚清使吏科給事中  
 陳侃浙江鄞縣行人高澄順天固安人四十  
 一年封尚元使吏科左給事中郭汝霖江西永豐  
 人科人李際春河南杞縣人萬曆四年封尚永  
 使戶科左給事中蕭崇業雲南籍應天上元人行  
 人謝杰福建長樂人二十九年封尚寧使兵科  
 右給事中夏子陽江西玉山人行人王士禎山東  
 泗水人崇禎元年封尚豐使戶科左給事中杜  
 三策山東東平州人行人司司正楊掄一載  
 雲南籍上元人尚賢請封未獲卒

琉球國志略

使館 卷六

五

吳舒帷校

本朝歷遣使臣姓名

康熙二年封尚質使兵科副理

東膠州人二十一年封尚貞使翰林院檢討注  
 楫江南儀徵人內閣中書舍人林麟焜福建莆田  
 人尚純未立先卒子尚益未請封五十八年  
 封尚敬使翰林院檢討海寶滿洲鑲白旗人翰林  
 院編修徐葆光江南吳江人  
 今上乾隆二十一年封尚穆使臣魁臣煜忝任斯役謹  
 續題  
 其後後為中堂安奉

詔敕所 臣 皇 恭題曰聲教東漸復敬書一聯曰

聖化浹扶桑萬里而遙瞻日近皇華臨辨嶽九州之外

仰天高左右為兩使臣房堂後左右板閣各一汪

幃題其左曰長風閣林麟焜題其右曰停雲樓尋



廢徐葆光重書之且系以詩左右廊房各九楹以居從人東院有水井一礪牆周圍如城高丈餘堂屋皆上用甌瓦下用方磚壁悉用厚板役舍則以蘆箔漫土其上樓上鋪腳踏棉餘舍鋪設桌椅牀帳及諸什物悉照中國製造設專司掌之堂後徐葆光構小東軒疊石種蕉以供燕適今廢臣煌重

植鳳蕉一叢

徐葆光敷命堂前種榕詩使館邀綸世一開

聖皇冊命已三來天無稽澤隨時降樹有餘陰為手栽門合海隅迎日月根蟠龍爪壓風雷諸卿好與勤封苑若木光中拱上台○汪楫長風閣喜雨詩三年荒徼望甘霖一夜輕雷送好音有腳春來

琉球國志略

使館

六吳舒帷校

天子惠隨車兩足使臣心蕉花穿戶紅全濕橘葉遮垣綠更深見說塗人歌且舞老夫高眺亦長吟徐葆光停雲樓詩身似孤雲復此停樓頭舉目海天青行人舊蹟今何在鴻爪從來偶一經停雲靄靄覺身孤盡日流觀山海圖一出隨風棲絕島無心也憶故山無又小東軒詩半庭花藥好鑿牖小樓偏臥席看雲變規窻學月圓一琴消院漏薄醉作秋眠燈影凌虛泛吳江舴艋船又使院種芭蕉詩踰海莫迷暑况茲日出隅人徒既充院而復畫地居主入夙敬客莽灌成掃除庭宇固疎曠炎鬱乃不舒朝樹盼夕蔭十年計何迂芭蕉葉垂雲草木無一如分列植百本取諸織紉餘微雨眾卷坵一夕俄紛敷礪牆影交碧灰野光斂晡炎風應序來賦然秋與俱人事戒欲速濟變亦良圖置物苟得所安往非

吾廬

天使舊館

支應司附



舊館在使館西南大門上有小板閣入門大堂三楹萬厯中冊使蕭崇業取唐人海東萬里灑扶桑句以灑露名之前使王垓書駐節廡堂中楹明使臣杜三策書每懷靡及區後有樓樓西隙地數畝

前封測量平安豐盛額居之胡靖記云楊行人掄居西偏小樓名曰聽

海杜三策題四律有一帆多藉乘風力萬里長懸捧日心興來欲泛張騫斗歸去羞言陸賈金諸警

句樓今廢張學禮記云樓上有明杜三策梅花詩百首今已墜滅并詩亦不傳

胡靖聽海樓詩二首夜聽魚龍出水吟一尊對月酒頻斟寒濤噴灑

連天雪殘菊飄零滿地金數曲歌紫孤客思幾回夢繞故園心平生浪跡知多少此處夷猶可再尋

支離遊况此來豪萬頃波光入彩毫潑墨烟雲龍

琉球國志略

使館 卷六

七 吳舒帷校

出海臨池朗月鶴鳴臯浮槎欲泛天河斗乘興猶疑雪夜舫干飲中山渾是夢不知身寄海天高

或云彌世公館即其地

天使館旁支應分設七司一館務司掌館中應行

事件一承應所掌館中修葺物件一掌牲所掌羊

豕鷄鴨支送等事一供應所掌酒米小菜支送等

事一理宴司掌七宴事一書簡司掌書帖往來等

事一評價司掌評定物價等事每司遣大夫一員

紅帕三人雜差等二十人主其事七司外又有總

理司亦名長史所設紫金大夫一人長史四人筆



一者十二人總理七司大小事及上下文移其朝夕  
供應奔走別有庫官等爲之

附那霸公館有二一在舊使院前一在天使館東  
下天如宮左皆極深遠宏敞爲差辦

管理那霸錢穀  
獄訟二官公所

附姑米島公館亦有二一在金城間切一在內間  
切在內間者臣等茲役遇颶登岸

時同居之臣煌顏其堂曰寶典流輝復系一聯云  
鼇首駕山來擁衛不違天咫尺蠻民迎節拜懽呼

創見漢  
威儀

學校

學校在久米村泉崎橋北聖廟東偏康熙十三年

琉球國志略

學校  
卷六

八  
吳舒帷校

立廟廟制詳見  
祠廟典禮尚未立學五十六年紫金大夫程

順則啟請建明倫堂又於堂北祀啟聖併四配神

主五十七年冬堂成蓄經書略備國王又敬刊

聖諭十六條命程順則演其文義月吉讀之官師則紫金

大夫一員司之每三六九日詣講堂稽察諸生勤

惰兼理中國往來貢典講解師則擇久米內文理

精通者一人爲之不拘大夫都通事秀才皆可歲

廩十二石訓誥師則擇句讀詳明者一人爲之歲

廩八石程順則有廟學紀略蔡文溥有中山學校



序頗詳悉俱見藝文久米七歲以上初學者則設塾於上天如宮以教之首里亦設鄉塾三所外村小吏百姓之子弟則以寺爲塾以僧爲師皆學國字有草書無楷字近那霸等村亦多家塾讀書之聲有中宵朗朗弗輟者殊可嘉也

乾隆二十二年四月二十一日代請官生入學讀書疏

翰林院侍講臣全魁臣周煌謹

奏爲據詞代請事臣等蒙

琉球國志略

學校  
卷六

九  
吳舒惟校

恩簡用遠使琉球事竣將旋中山王臣尙穆詣館宴送令陪臣通事向臣等致詞云海隅下國疊被

皇仁

宸翰榮褒

綸音寵錫但僻處彈丸荒陋成俗向學有心執經無地先于康熙二十二年經懇前使汪楫等代請陪臣子弟四人入學讀書奉部議准遣官生阮維新等入學在案嗣于五十九年懇前使海寶等援例代奏復蒙許遣今幸



天遣使臣至國敢祈陳明遠人向化之誠俾得再遣入  
學讀書下國不勝悚企等語臣等理合據詞繕摺  
代奏伏候

聖鑒敕部議覆施行謹

奏卽日奉

旨該部議奏欽此

禮部謹

奏爲遵

旨議奏事乾隆二十二年四月二十三日內閣抄出翰

琉球國志略

學校  
卷六

十  
吳舒帷校

林院侍講全魁周煌奏稱臣等使竣將旋中山王  
令陪臣通事致詞云海隅下國荒陋成俗向學有  
心執經無地先于康熙二十二年經懇前使汪楫  
等代請陪臣子弟四人入學讀書奉部議准遣官  
生阮維新等入學在案嗣于五十九年懇前使海  
寶等援例代奏復蒙許遣今幸

天遣使臣至國敢祈陳明遠人向化之誠俾得再遣入  
學讀書下國不勝悚企等因具奏到部查康熙二  
十三年



册封使臣翰林院檢討汪楫等五十九年使臣翰林院檢討海寶等事竣回京俱奏稱該國王懇求轉奏令陪臣子弟入監讀書經臣部覆准具奏奉

旨依議欽此隨據該國王前後遣令官生到京臣部並劄國子監讀書三年遣令歸國各在案今翰林院侍講全魁等既稱該國王尚穆向化輸誠懇請陪臣子弟入學讀書應如所請准其于應貢之年遣令來京臣部劄行國子監肄業俟

命下之日行文福建巡撫轉行該國王遵照可也謹

琉球國志略



學校  
卷六

十一  
吳舒帷校

奏于乾隆二十二年五月初一日奏本日奉

旨依議欽此